

ODLUKU

**O DAVANJU SUGLASNOSTI ZA PRODULJENJE
MISIJE PRIPADNICIMA
BOSANSKOHERCEGOVAČKOG KONTINGENTA
CIVILNE POLICIJE S PODRUČJA FEDERACIJE
BOSNE I HERCEGOVINE U MIROVNOJ MISIJI UN-a U
LIBERIJI**

I.

Vlada Federacije Bosne i Hercegovine daje suglasnost za produljenje misije pripadnicima bosanskohercegovačkog kontingenta civilne policije s područja Federacije Bosne i Hercegovine u Mirovnoj misiji UN-a u Liberiji:

1. SAŠA PRODANOVIĆ, za period od 26. 6. do 27. 12. 2009. godine,
2. JOSIP BILANDŽIJA, za period od 30. 6. 2009. godine do 7. 1. 2010. godine.

II.

Ova Odluka stupa na snagu sljedećeg dana od dana objave u "Službenim novinama Federacije BiH".

V broj 375/09
4. lipnja 2009. godine
Sarajevo

P.O. premijera
Zamjenik premijera
Vjekoslav Bevanda, v. r.

На основу члана 19. став 2. Закона о Влади Федерације Босне и Херцеговине ("Службене новине Федерације БиХ", број 1/94, 8/95, 58/02, 19/03, 2/06 и 8/06), Влада Федерације Босне и Херцеговине, на 104. сједници одржаној 4. јуна 2009. године, доноси

ОДЛУКУ

**O DАВАЊУ САГЛАСНОСТИ ЗА ПРОДУЖЕЊЕ МИСИЈЕ
ПРИПАДНИЦИМА БОСАНСКОХЕРЦЕГОВАЧКОГ
КОНТИНГЕНТА ЦИВИЛНЕ ПОЛИЦИЈЕ С ПОДРУЧЈА
ФЕДЕРАЦИЈЕ БОСНЕ И ХЕРЦЕГОВИНЕ У МИРОВНОЈ
МИСИЈИ УН-а У ЛИБЕРИЈИ**

I.

Влада Федерације Босне и Херцеговине даје сагласност за продужење мисије припадницима босанскохерцеговачког контингента цивилне полиције с подручја Федерације Босне и Херцеговине у Мировној мисији УН-а у Либерiji:

1. САША ПРОДАНОВИЋ, за период од 26. 6. до 27. 12. 2009. године,
2. ЈОСИП БИЛАНЦИЈА, за период од 30. 6. 2009. године до 7. 1. 2010. године.

II.

Ова Одлука ступа на снагу наредног дана од дана објављивања у "Службеним новинама Федерације БиХ".

V број 375/09
4. јуна 2009. године
Сарајево

П.О. премијера
Замјеник премијера
Вјекослав Бевода, с. р.

**FEDERALNO MINISTARSTVO
FINANSIJA/FINACIJA**

506

На основи чланка 56. и чланка 70. Закона о организацији органа управе у Федерацији Босне и Херцеговине ("Службене новине Федерације БиХ", број 35/05) и чланка 19. Закона о принципима локалне самоуправе у Федерацији Босне и Херцеговине ("Службене новине Федерације БиХ", број 49/06), федерални министар финансија - финансија доноси

RJEŠENJE

**O IZMJENI I DOPUNI RJEŠENJA O FORMIRANJU
ARBITRAŽNOG TIJELA RADI USVAJANJA
PRORAČUNA U OPĆINI JAJCE ZA 2009. GODINU**

1. Rješenje Federalnog ministarstva financija - finansija o formiranju Arbitražnog tijela radi usvajanja proračuna u Općini Jajce za 2009. godinu, objavljeno u "Službenim novinama Federacije BiH", broj 35/09, u dijelu točke 1. redni broj 3. - "Predstavnik općinskog načelnika i predstavnik ispred Saveza općina i gradova Federacije BiH, Općina Jajce - SENAD DIZDAR, pomoćnik načelnika za financije", se briše i glasi: "Predstavnik općinskog načelnika, Općina Jajce - SENAD DIZDAR, pomoćnik načelnika za financije."
2. Iza rednog broja 5. dodaje se novi redni broj 6. koji glasi: "6. Predstavnik ispred Saveza općina i gradova Federacije BiH, Općina Jajce - MELČA STRUKAR, pomoćnik načelnika za financije iz Općine Bugojno."
3. U ostalom dijelu Rješenja ostaje neizmijenjeno.

Broj 07-49-1810/09

3. lipnja/juna 2009. godine
Sarajevo

Ministar
Vjekoslav Bevanda, v. r.

507

Na osnovu člana 95., a u vezi sa čl. 20. do 26. Zakona o Poreznoj upravi Federacije Bosne i Hercegovine ("Službene novine Federacije BiH", br. 33/02 i 28/04), federalni ministar finansija - federalni ministar financija donosi

PRAVILNIK

**O IZMJENAMA I DOPUNAMA PRAVILNIKA O
POSTUPKU PODNOŠENJA POREZNIH PRIJAVA**

Član 1.

U Pravilniku o postupku podnošenja poreznih prijava ("Službene novine Federacije BiH", br. 66/02, 54/03 i 74/04), u članu 2., stav 2. mijenja se i glasi:

"Obrasci poreznih prijava iz stava 1. ovog člana, koje su porezni obveznici dužni podnositi u skladu sa poreznim zakonima, sastavni su dio pravilnika kojim je regulisano provođenje odredbi Zakona o porezu na dobit ("Službene novine Federacije BiH", br. 97/07 i 14/08), Zakona o porezu na dohodak ("Službene novine Federacije BiH", br. 10/08) i Zakona o doprinosima ("Službene novine Federacije BiH", br. 35/98, 54/00, 16/01, 37/01, 1/02, 17/06 i 14/08), kao i odredbi zakona o porezima kantona."

Član 2.

Član 3. mijenja se i glasi:

"Porezna uprava je dužna osigurati obrasce poreznih prijava za sve vrste poreza u obliku elektronskih formulara na svojoj Internet stranici i omogućiti njihovo besplatno printanje poreznim obveznicima."

Član 3.

U članu 5. stav 1., u petom redu, točka iza riječi: "prijava" briše se i dodaju riječi: "(u elektronskoj ili u papirnoj formi)."

Član 4.

Član 7. mijenja se i glasi:

"Porezne prijave podnose se na jedan od sljedećih načina:

1. ličnom predajom,
2. predajom putem Interneta i
3. poštom preporučeno."

Član 5.

U članu 8. stav 2. alineja 2. mijenja se i glasi:

" - potpis (ručni ili elektronski) poreznog obveznika ili lica ovlaštenog da potpisuje u ime poreznog obveznika, zastupnika poreznog obveznika i lica koje je ispunilo bilo koji dio porezne prijave."

Iza stava 2. ovog člana, dodaju se novi st. 3., 4. i 5. koji glase:

"Predaja poreznih prijava putem Interneta omogućena je samo onim poreznim obveznicima koji o tom načinu predaje daju odgovarajuću izjavu i prijave svoje zaposlenike ovlaštene za komunikaciju sa Poreznom upravom putem Interneta.

Knjigovodstveni servisi mogu podnositi porezne prijave putem Interneta za porezne obveznike za koje vrše knjigovodstvene usluge ukoliko je to regulisano ugovorom između knjigovodstvenog servisa i poreznog obveznika.

Obrasci izjave i prijave iz st. 3. i 4. ovog člana nalaze se u prilogu ovog pravilnika i čine njegov sastavni dio."

Dosadašnji stav 3. postaje stav 6.

Član 6.

U članu 9. stav 3. se mijenja i glasi:

"Porezna prijava se smatra primljenom od Porezne uprave na dan:

- kada je poslana preporučenom poštom,
- kada je uspješno poslana putem Interneta,
- kada je poreznu prijavu lično predao porezni obveznik ili njegov zastupnik."

Član 7.

Član 19a. mijenja se i glasi:

"Obavijesne prijave su pisani izvještaji koje je isplati-lac sredstava dužan podnositi Poreznoj upravi na obrascima propisanim podzakonskim aktima, a koji sadrže podatke o finansijskim transakcijama, obračunatim, obustavljenim i uplaćenim doprinosima, porezima i posebnim naknadama kojima te transakcije podliježu."

Član 8.

Član 19c. mijenja se i glasi:

"Obavijesne prijave dostavljaju se Poreznoj upravi na način i u rokovima utvrđenim poreznim zakonima i podzakonskim aktima i moraju sadržavati sljedeće informacije:

- naziv ili ime, adresu sjedišta odnosno prebivališta i identifikacioni broj poreznog obveznika - isplatioca;
- prezime i ime, adresu prebivališta i identifikacioni broj primaoca uplate;
- oznaku kalendarske godine i
- iznose plaćene po svakoj vrsti isplate."

Član 9.

Član 19e. briše se.

Član 10.

U članu 20., u trećem redu, iza riječi "porezima", dodaju se riječi: "i doprinosima".

Član 11.

Član 21., mijenja se i glasi:

"Na osnovu člana 28. stav (3) Zakona o porezu na dohodak i člana 11. stav (3) Zakona o doprinosima, poslodavac odnosno lice koje, u smislu odredbi Zakona o porezu na dohodak, ima obaveze poslodavca - isplatioca plaća, dužan je do 31. januara tekuće godine za proteklu godinu dostaviti Poreznoj upravi prijavu poreza po odbitku sa podacima o isplaćenim plaćama, obustavljenoj i uplaćenju akontaciji poreza na dohodak ostvaren po osnovu nesamostalne djelatnosti i obustavljenim i uplaćenim obaveznim doprinosima iz osnovice.

Prijava iz stava 1. ovog člana dostavlja se na obrascu GIP-1022, koji je sastavni dio Pravilnika o primjeni Zakona o porezu na dohodak."

Član 12.

Član 22., mijenja se i glasi:

"Prijavom poreza po odbitku smatraju se i prijave koje su, na osnovu odredbi Zakona o porezu na dohodak, isplatioci oporezivih prihoda dužni dostavljati Poreznoj upravi, a koje sadrže podatke o obračunatom, obustavljenom i uplaćenom porezu na dohodak od povremenog obavljanja samostalnih djelatnosti na osnovu ugovora o djelu i autorskim honorarima (obrazac AUG - 1031), podatke o obračunatom, obustavljenom i

uplaćenom porezu na dohodak i doprinosima koji se plaćaju na naknade po osnovu drugih samostalnih djelatnosti iz člana 12. stav 4. tč. 1. i 2. Zakona (obrazac ASD-1032), podatke o obračunatom, obustavljenom i uplaćenom porezu na dohodak od ulaganja kapitala na dobitke od nagradnih igara i igara na sreću, na prihode koje ostvaruju nerezidenti povremenim obavljanjem samostalnih djelatnosti na teritoriji Federacije (obrazac PDN - 1033), podatke o obračunatom, obustavljenom i uplaćenom porezu na prihod od imovine i imovinskih prava (obrazac PIP-1034)."

Obrasci iz stava 1. ovog člana nalaze se u prilogu Pravilnika o primjeni Zakona o porezu na dohodak ("Službene novine Federacije BiH", br. 67/08) i čine njegov sastavni dio.

Član 13.

Član 30. mijenja se i glasi:

"Na osnovu člana 14. stav 1. alineja 3. Zakona o Poreznoj upravi, porezni obveznici su obavezni podnositi porezne prijave u obliku, na mjestu i u vrijeme propisano poreznim zakonima i odgovarajućim podzakonskim aktima.

Porezne prijave se podnose u skladu sa odredbama čl. 20. do 26. Zakona o Poreznoj upravi, po postupku utvrđenom ovim Pravilnikom na sljedećim obrascima, i to:

- Za porez na dobit, porezni obveznici iz člana 2. Zakona o porezu na dobit ("Službene novine Federacije BiH", br. 97/07 i 14/08), poreznu prijavu podnose na obrascu PR-PD - "Prijava poreza na dobit" i obrascu PB - DOB "Porezni bilans" koji su sastavni dio Pravilnika o primjeni Zakona o porezu na dobit ("Službene novine Federacije BiH", br. 36/08 i 79/08), a za porez po odbitku koji se obračunava i plaća na prihod koji je ostvario nerezident na teritoriji Federacije, isplati-lac je dužan podnijeti prijavu na obrascu P - OD - "Prijava/potvrda o obračunatom i plaćenom porezu po odbitku i/ili primjenu ugovora o izbjegavanju dvostrukog oporezivanja";
- Za porez na dohodak, porezni obveznici iz člana 2. st. 1. tačke 1. i st. 2. i 3. istog člana Zakona o porezu na dohodak ("Službene novine Federacije BiH", br. 10/08), osim u slučajevima utvrđenim članom 36. st. 4. i 5. Zakona i članom 64. Pravilnika o primjeni Zakona o porezu na dohodak ("Službene novine Federacije BiH", br. 67/08), poreznu prijavu podnose na obrascu GPD - 1051 "Godišnja prijava poreza na dohodak".
- Za porez na dohodak, porezni obveznici iz člana 2. st. 1. tačke 1. i st. 2. i 3. istog člana Zakona o porezu na dohodak ("Službene novine Federacije BiH", br. 10/08), koji ostvaruju dohodak u smislu čl. 17. i/ili 18. Zakona, dužni su do 31. januara tekuće godine za proteklu godinu podnijeti godišnju prijavu dohotka od zajedničkog obavljanja samostalne djelatnosti na obrascu GPZ - 1052."

Član 14.

U članu 31., stav 2. mijenja se i glasi:

"Mjesečnim poreznim prijavama u smislu stava 1. ovog člana smatraju se i obrasci: "Specifikacija uz isplatu plaće zaposlenika u radnom odnosu kod pravnih i fizičkih lica sa sjedištem u Federaciji" (obrazac 2001), "Specifikacija uz isplatu plaće zaposlenika sa prebivalištem u Republici Srpskoj i Brčko Distriktu u radnom odnosu kod pravnih i fizičkih lica sa sjedištem u Federaciji (obrazac 2001-A), "Specifikacija uz uplatu doprinosa preduzetnika (obrazac 2002), "koje su propisane članom 11a. Zakona o doprinosima ("Službene novine Federacije BiH", br. 35/98, 54/00, 16/01, 37/01, 1/02, 17/06 i 14/08) i članom 31. Pravilnika o načinu obračunavanja i uplate doprinosa ("Službene novine Federacije BiH", br. 64/08 i 81/08), a koje su poslodavci odnosno isplatioci plaća dužni podnositi Poreznoj upravi uz svaku isplatu plaća i drugih oporezivih primanja po osnovu nesamostalne djelatnosti odnosno preduzetnici, koji obavljaju samostalnu djelatnost, uz svaku uplatu obaveznih doprinosa."

Član 15.

Član 32. mijenja se i glasi:

"Obavijesnim poreznim prijavama u smislu člana 19a. ovog pravilnika smatraju se i obrasci: "Akontacija poreza po odbitku za povremene samostalne djelatnosti"(obrazac AUG - 1031) i "Akontacija poreza po odbitku na prihode od drugih samostalnih djelatnosti (obrazac ASD - 1032), koje su propisane članom 11a. Zakona o porezu na dohodak ("Službene novine Federacije BiH", br. 10/08) i članom 1. stav 2. Pravilnika o primjeni Zakona o porezu na dohodak ("Službene novine Federacije BiH", br. 67/08), a koje su poslodavci odnosno isplatioci oporezivih prihoda dužni podnositi Poreznoj upravi.

Obavijesnom prijavom u smislu člana 19a. ovog pravilnika smatra se i obrazac "Izjava isplatioca dividendi / udjela u dobiti" (obrazac IZ - DOB) koji je propisan članom 39. Pravilnika o primjeni Zakona o porezu na dobit ("Službene novine Federacije BiH", br. 36/08 i 79/08)."

Član 16.

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj 05-02-3094/09
25. maja 2009. godine
Sarajevo

Ministar
Vjekoslav Bevanda, s. r.

Na osnovu člana 8. stav 2. al. 3. i 4. Pravilnika o postupku podnošenja poreznih prijava ("Službene novine Federacije BiH", br. 66/02, 54/03, 74/04 i __ /09, daje se

I Z J A V A
O KORIŠTENJU USLUGA INTERNET PRISTUPA
SISTEMU POREZNE UPRAVE

Porezni obveznik:

J I B ☐☐☐☐☐☐☐☐☐☐☐☐☐☐☐

Naziv: _____

Sjedište: _____
(mjesto)Adresa: _____
(ulica) (broj)Kojeg zastupam ja: _____
(ime i prezime)

Dana: D.D.MM.GGGG u _____ dajem

IZJAVU broj: PU - xxxxx/GG

kojom se opredjeljujem za dostavu poreznih prijava Poreznoj upravi Federacije BiH putem Interneta, a u skladu sa uslovima propisanim dokumentom: "USLOVI ZA KORIŠTENJE USLUGA INTERNET PRISTUPA SISTEMU POREZNE UPRAVE", sa kojim sam upoznat i koji mi je uručen prije potpisivanja ove Izjave.

Potpisivanjem ove Izjave potvrđujem da sam saglasan da sva lica ovlaštena sa moje strane za potpisivanje elektronskih prijava, prijavljena Poreznoj upravi na obrascu: "Podaci o licima ovlaštenim za upotrebu usluge KORIŠTENJA INTERNET PRISTUPA SISTEMA POREZNE UPRAVE", imaju neograničeno pravo, u moje ime, putem Interneta podnositi porezne prijave i pristupati dokumentima pohranjenim u sistemu POREZNE UPRAVE, sve dok im ja ili POREZNA UPRAVA ne oduzmemo to pravo.

Protokoli o proširenju obima i vrste usluga koje će, eventualno, Porezna uprava Federacije BiH ponuditi u toku važenja ove Izjave čine njen sastavni i neodvojiv dio.

POTPIS

M.P.

POREZNI OBVEZNIK**J I B:** **NAZIV:** _____**SJEDIŠTE:** _____
(mjesto) (ulica) (broj)**PODACI O LICIMA OVLAŠTENIM ZA KORIŠTENJE USLUGE INTERNET
PRISTUPA SISTEMU POREZNE UPRAVE FEDERACIJE BiH**

Redni broj	J M B	PREZIME I IME

M.P.**Potpis ovlaštenog lica**

KNJIGOVODSTVENI SERVIS**J I B :** **NAZIV:** _____**SJEDIŠTE:** _____
(mjesto) (ulica) (broj)**PODACI O POREZNIM OBVEZNICIMA KOJI ĆE KORISTITI USLUGE
INTERNET PRISTUPA SISTEMU POREZNE UPRAVE FEDERACIJE BiH**

Redni broj	J I B poreznog obveznika	Naziv poreznog obveznika

M.P.**Potpis ovlaštenog lica**
